



REPUBLIKA E KOSOVËS
REPUBLIKA KOSOVA/REPUBLIC OF KOSOVO

Komuna e Kaçanikut

Opština Kačanik/Municipality of Kačanik



REPUBLIKA E KOSOVES
REPUBLIKA KOSOVA
KOMUNA E KAÇANIKUT
OPŠTINA KAÇANIK



Zyra e Kryetarit

Kaçanik, 07.07.2026

I	Data	07.07.2026	Vendi	Kaçanik
Nj. org.	Numri	Shtojcë		
01-104/02-16692/26				

Në bazë të Rregullores MF–Nr. 04/2017 mbi kriteret, standardet dhe procedurat e financimit publik të OJQ-ve dhe Ligjit Nr. 10/L-001 mbi ndarjet buxhetore për Buxhetin e Republikës së Kosovës për vitin 2026, Komuna e Kaçanikut, përkatësisht Zyra e Kryetarit, shpall këtë:

THIRRJE PUBLIKE

Për ofrimin e mbështetjes financiare publike për financimin e projekteve/programeve të OJQ-ve

1. Qëllimi i thirrjes publike

Kjo thirrje ka për qëllim mbështetjen financiare të projekteve dhe programeve të organizatave joqeveritare (OJQ) që kontribuojnë në pasurimin e jetës kulturore të komunës, duke marrë si shkas shënimin dhe kremtimin e jubileut të 50-të të themelimit të grupit legjendar AVI "Fontana". Thirrja synon të promovojë trashëgiminë muzikore rock/pop të Kaçanikut, të mbështesë artistët lokalë dhe të krijojë aktivitete kulturore gjithëpërfshirëse gjatë vitit 2026.

2. Organizatat që ftohen të aplikojnë

Komuna e Kaçanikut – Zyra e Kryetarit, duke u bazuar në Rregulloren MF–Nr. 04/2017 mbi kriteret, standardet dhe procedurat e financimit publik të OJQ-ve, fton të gjitha organizatat joqeveritare të regjistruara në Republikën e Kosovës, me bazë në Komunën e Kaçanikut, për aplikim për mbështetje financiare publike – subvencionim të projekteve/programeve të tyre, programi i punës i të cilave është i fokusuar në OJQ që ndërlidhen me jetën kulturore, me fokus të veçantë në:

- Koncerte dhe Festivale

3. Fushat dhe aktivitetet që mund të mbështeten

OJQ-të, në përputhje me këtë thirrje publike, mund të aplikojnë me projektet/programet e tyre, të cilat duhet të kenë për objektiv zbatimin e aktiviteteve të ndryshme në fushën e Kulturës

- *Promovimi dhe afirmimi i vlerave kulturore*
- *Promovimi i krijimtarisë lokale artistike*
- *Promovimi i trashëgimisë kulturore*
- *Festivalet, koncertet*

Aktivitetet e pranueshme mund të përfshijnë, por nuk kufizohen vetëm në: OJQ-të duhet të aplikojnë me projekte që synojnë organizimin dhe realizimin teknik e artistik të manifestimit qendror për shënimin e 50-vjetorit të grupit AVI "Fontana". Aktivitetet dhe shpenzimet e pranueshme duhet të fokusohen ekskluzivisht në këto shtylla:

- Zërim dhe Ndriçim Profesional .
- Orkestrim dhe Produksion Muzikor
- Përgatitje dhe Skenografi e Skenës
- Marketing, Reklamë dhe Promovim:.

4. Vlera e mbështetjes financiare

Vlera totale e planifikuar e kësaj thirrjeje publike është 5,000.00 €.

Shuma minimale e mbështetjes financiare që mund të alokohet për çdo projekt individual është 1,000.00 €, ndërsa shuma maksimale për një projekt është 5,000.00 €.

Komuna e Kaçanikut – Zyra e Kryetarit rezervon të drejtën që, varësisht nga cilësia e aplikimeve dhe buxheti në dispozicion, të mbështesë një ose më shumë projekte/ programe.

5. Afati për dorëzimin e aplikacioneve

Afati për dorëzimin e propozimeve/aplikacioneve është 15 ditë pune, duke filluar nga data 07.07.2026 dhe përfundon më datën 27.07.2026, deri në ora 16:00.

Aplikacionet e dorëzuara pas afatit të përcaktuar me këtë thirrje publike nuk do të merren në shqyrtim.

6. Kushtet për aplikim

Të drejtë aplikimi me projektet/programet e tyre kanë OJQ-të që janë të regjistruara në regjistrin e organizatave joqeveritare në Republikën e Kosovës dhe të cilat veprojnë në Republikën e Kosovës së paku një (1) vit para datës së publikimit të kësaj thirrjeje publike.

Periudha e zbatimit të projektit është deri në përfundimin e vitit 2026

Të drejtë aplikimi me projektet e tyre kanë OJQ-të që janë të regjistruara në regjistrin e organizatave joqeveritare në Republikën e Kosovës dhe që veprojnë në Komunën e Kaçanikut OJQ-të duhet të kenë kryer transaksionet financiare në mënyrë transparente, sipas legjislacionit për OJQ-të në Republikën e Kosovës dhe në përputhje me rregullat e kontabilitetit, si dhe të kenë përmbushur detyrimet kontraktuale ndaj ofruesit të mbështetjes financiare dhe të gjithë ofruesve tjerë të mbështetjes financiare publike.

Para nënshkrimit të kontratës, OJQ-ja duhet të paraqesë prova se personi përgjegjës në OJQ dhe menaxheri i projektit nuk janë nën hetime për vepra penale, si dhe prova se OJQ-

ja ka zgjidhur çdo çështje të hapur rreth pagesës së kontributeve dhe tatimeve të papaguara, nëse është e aplikueshme.

Nuk do të mbështeten projekte/programme që kanë karakter politik apo partiak, që paraqesin financim të dyfishtë për të njëjtat aktivitete, apo që bien ndesh me legjislacionin në fuqi dhe me qëllimin e kësaj thirrjeje publike.

7. Dokumentacioni dhe mënyra e aplikimit

Propozimet do të dorëzohen vetëm në formularët e paraparë, të cilët janë në dispozicion në faqen zyrtare të Komunës së Kaçanikut:

<https://kacanik.rks-gov.net/shpalljet/>

(rubrika: SHPALLJET)

Dokumentet e kompletuara duhet të dorëzohen fizikisht në objektin e Komunës së Kaçanikut, te sporteli nr. 8, kati i parë, në zarf të mbyllur, me mbishkrimin:

“Aplikim për mbështetje financiare publike për OJQ – Zyra e Kryetarit”

- Të mos hapet para mbledhjes së Komisionit Vlerësues -

Do të konsiderohen për mbështetje financiare vetëm projektet/programet që janë pranuar brenda afatit të paraparë me këtë thirrje publike dhe të cilat i përmbushin plotësisht kushtet e përcaktuara në thirrje dhe në dokumentacionin përcjellës të saj.

8. Vlerësimi, kontraktimi dhe raportimi

Vlerësimi i aplikacioneve do të bëhet nga Komisioni Vlerësues i themeluar nga Komuna e Kaçanikut, në përputhje me Rregulloren MF-Nr. 04/2017 dhe dokumentacionin e kësaj thirrjeje publike.

Pas përfundimit të procesit të vlerësimit, rezultatet do të publikohen në faqen zyrtare të Komunës së Kaçanikut. OJQ-të përfituese do të lidhin kontratë me Komunën e Kaçanikut dhe janë të obliguara që mjetet e ndara t'i shfrytëzojnë vetëm për qëllimet e miratuara, si dhe të dorëzojnë raport narrativ dhe financiar pas përfundimit të projektit/programit.

Sabedin Vishi



Kryetar i Komunës